



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

826. An unum beneficium pro pluribus permutari possit.

[urn:nbn:de:hbz:466:1-74494](#)

sponcionem S. Congregat. ad c. 15. sess 25. Trid. quam refert Chok. loc. cit. Decretum illud Tridentini , quo caverur, ut, si pater & filius in eadem Ecclesia beneficia habere conperiantur , cogatur filius suum beneficium resignare vel permutare, locum non habeat in filio, etiam illegitimo, habente beneficium patrimoniale , quod permutari non potest in Ecclesia, in qua idem Pater habet, ei tamen non inservit ob Paralysum, si concessum sit tali filio, ut retineat, quia permutare non potest. Id tamen sic intelligendum, ut non resignetur, vel etiam permuteantur iis, vel cum iis, qui quoque filii patrimoniales, seu incolae ejusdem loci sunt, juxta expressam Rotar. decis. in Jacensi Rectoria. 19. Octob. 1598. quam citat Chok. loc. cit. ubi dicitur: beneficia, qua debentur ex induito Apostolico filiis Parrimontalibus, non possunt permutari ad favorem filiorum non patrimonialium.

13. Duodecimò : Beneficia juris patronatus , qualiter autem ad eorum permutationem requiratur consensus patroni, vide fusè explicatum suprà, ubi qualiter resignari possint ea beneficia.

Questio 825. Quanam beneficia inter se permutari non possint?

1. Espondeo primo: Beneficia reservata Papæ, sive generali sive speciali reservatione , vel etiam quorum unum reservatum, & alterum non reservatum, permutari non possunt coram Ordinariis, vel etiam Legatis de latere , sine speciali Sedis Apostolica mandato. Chok. de perm. p. 2, c. 2. num. 2. 3. 7. Ventr. 10. 2. annot. 4. §. 1. nu. 26. Vide hoc ipsum fusè tractatum suprà, ubi, num reservata resignari valeant. Atque ita jam etiam permutari nequeunt, super quibus à Sede Apostolica concessa est exspectativa , ne illudantur exspectantes. Paris. l. 2. q. 10. nu. 2. & 3. Illud hic oblevandum, quod esti permutatio reservatorum facta auctoritate Papæ valeat, etiam nulla facta mentione reservationis, dum reservatio generalis est, & nota in Curia; ed quod verisimile sit, Papam scivisse ejusmodi reservationem; non tamen subsistat in hoc casu, si reservatum est beneficium reservatione speciali, seu particulari, & secretæ, facta in favorem certæ personæ , ed quod Papa potuit esse nescius istius reservationis, ed quod in dubio nemini præjudicare velle præsumatur. Chok. loc. cit. c. 3. num. 1. & 2. citans Gamb. ad c. licet. de rer. perm. in 6. n. 45. Federic. de Senis tr. de perm. q. 4. Mandos. ad reg. 1. Cancell. q. 13. n. 4. Mlis in repertor. v. permutatio facta per Papam. Posse tamen illis permutationibus succurriri per gratiam; quam vocant perinde valere, qua solet impetrari , cum quis dubitat, primam Papæ gratiam seu provisionem ex aliqua causa impugnari posse , ut perinde valeat, ac si valida fuisse tempore imputationis, tradit Chok. ibid. n. 3.

2. Secundò : Beneficia exempta in hoc sensu , quod soli Papæ subjecta, non nisi coram Papa permutari possunt. Paris. l. 2. q. 8. num. 4. juxta dicta alias de resignatione exemptorum.

3. Tertiò : Beneficia unita permutari nequeunt: cuius plures extensiones, & limitationes vide suprà, ubi, an, beneficia unita resignari possint. Quibus hæc addenda limitatio , quod si unio non præcesserit totam permutationem, sed præcesserit quidem collationem beneficiorum resignatorum permutationis gratiæ , secura autem sit post resignationes illorum beneficiorum, non impediatur

permutatio ; cum gratiæ permutationis facta sint illæ resignationes. Chok. de perm. p. 2, c. 8. nn. 2. citans Pet. de perufio. tr. de Permut. p. 1. q. 6. Caccia. lup. de unionib. a. 8. q. 13.

4. Quartò : Beneficium, cuius titulo quis promotus est ad Ordines. Ventr. loc. cit. nu. 45. qui hanc adjicit limitationem , nisi facta mentione hujus tituli, citatque Gratian. discept. for. c. 159. n. 3. & Barbos. de pot. Ep. p. 2. alleg. 19. n. 43. Vide de hoc dicta pluribus suprà, ubi, an resignari queat tale beneficium.

5. Quintò : Permutari nequeunt litigiosi; quia durante lite conferri nequeunt. Castrop. debef. d. 6. p. 3. §. 2. n. 6. Azor p. 2. l. 7. c. 29. Garc. p. II. c. 4. n. 20. contra Rebuff. in pr. p. 2. tit. de perm. n. 33. contrarium inuenientem; ed quod ex permutatione litigiosi beneficij nullum Ecclesiæ detrimentum proveniat , modò, in quem translatur est, non sit potentior. Ratio responsis pater; quia tale beneficium nec in favorem tertii resignari potest (de quo vide dicta fusè suprà, ubi, an beneficij litigiosi possint resignari) neque beneficia durante lite conferri possunt, ut Castrop. loc. cit. & beneficia compermutanda debent esse compermutantium pacificè, ut Garc. loc. cit. De cetero videtur nihil obstat, quod minus tale beneficium litigiosum permutetur cum alio beneficio quietè posse collitigante ; cum in ejus favorem cedi possit beneficium litigiosum , & sic purgetur vitium litigiosi & lis extinguitur, ut eidem jam conferri valeat, etiam ab Ordinario.

Questio 826. An unum beneficium pro pluribus permutari possit?

R Espondeo affirmativè; quia unum pluribus equivalentem potest. Chok. de perm. p. 2. c. 17. n. 1. Castrop. loc. cit. n. 8. citans Rebuff. in pr. loc. cit. nu. 40. Nav. conf. 43. de simon. n. 3. Azor. p. 2. l. 7. c. 29. q. 12. Garc. loc. cit. num. 14. citans plures alios; modò tamen nihil obstat, à compermutante illo ea plura beneficia possideri. Castrop. Garc. II. cit. fieri enim posset, ut voleas illa plura permutare pro uno illa plura, utpote incompatibilis possideret cum dispensatione Papæ , in quo casu non succederet illa permutatio , dum alter compermutantium simili dispensatione instructus non esset; dispensatio enim est personalis , & personam dispensati non egreditur. Chok. loc. cit.

Questio 827. An, & qualiter beneficia in aequalia (puta, quia unum est dignitas, vel conjunctum cum jurisdictione, administratione rerum Ecclesiasticarum, cum Cura animarum &c. Alterum sine talibus seu simplex : Item quia unum amplius habet redditus, alterum tenues) permutari inter se valeant?

1. R Espondeo ad primum: Prælaturas, dignitates, similique beneficia duplia: item curata cum simplicibus permutari possit, etiam coram Ordinariis, dum aliud nihil, v. g. ratione reservationis, incompatibilitatis &c. obstat, dictum est paulò ante. Possunt quoque ea, quæ uberes redditus habent, permutari cum tenuibus, modò fiat coram legitimo Superiori modo debito, aliudve speciale nihil, præcipue fraus obstat. Ventr. 10. 2. annot. 4. §. 2. n. 40. Azor p. 2. l. 7. c. 29. q. 15. ubi